

上德不德是以有德下德不失德是以無德上德無爲而無以爲下德爲之而有以爲上仁爲之而無以爲上義爲之而有以爲上禮爲之而莫之應則攘臂而仍之故失道而後德失德而後仁失仁而後義失義而後禮夫禮者忠信之薄而亂之首也前識者道之華而愚之始也是以大丈夫處其厚不處其薄居其實不居其華故去彼取此

皇道誦帝德失王霸雜仁義禮智相繼出萬語千言文勝質陽致長生陰致物瓦石成金丹似橘五行顛倒元氣漓方士紘紘皆技術嘆自從開闢以來盡閱棚前傀儡饒他愈出愈奇一解不如一解

道藏輯要

道德真經章句訓頌

盡

心集五  
六三

昔之得一章第三十九

昔之得一者天得一以清地得一以甯神得一以靈谷得一以盈萬物得一以生侯王得一以爲天下貞其致之一也天無以清將恐裂地無以甯將恐發神無以靈將恐歇谷無以盈將恐竭萬物無以生將恐滅侯王無以貞貴高將恐廢故貴以賤爲本高以下爲基是以侯王自稱孤寡不穀此其以賤爲本耶非乎故致數車無車不欲琮璆如玉珞珞如石

天之運以能強地之載以能息神以變而無方谷以虛而受益萬物之雜選以自然侯王之勢御以自抑純然以順一之則逆石不可玉玉不可石可石可玉是謂全德嘆空烝相摶

怪怪奇千形萬象出無涯自然之用各自用妙處誰知一貫之

反者道之動章第四十

反者道之動弱者道之用天下之物生於有有生於無有靜此有動有體此有用有無相循環譬如覺後夢嘆無則神神則性空則炁炁則命互相體用相動靜孰脫死生離感應

上士聞道章第四十一

上士聞道勤而行之中士聞道若存若亡下士聞道大笑之不足以為道故建言有之明道若昧進道若退夷道若類上

道藏輯要

道藏輯要

去

心集五

德若谷大白若辱廣德若不足建德若偷質直若渝大方無隅大器晚成大音希聲大象無形道隱無名夫惟道善貸且成明者見之從而明昧者見之從而昧人之習識自有殊道之體用無不在不自賢其賢不為天下專不自有其有不為天下首惟其推有以及無故能生天地之大邁天地之久嘆道本虛無合自然信疑俱未得其全莫隨識習分人品且可相忘未笑前

道生一章第四十二

道生一一生二二生三三生萬物萬物負陰而抱陽沖炁以為和人之所惡唯孤寡不穀而王公以為稱故物或損之而益益